

調達及二經 善業釋提桓

皮及利師羅

竹膊孫陀利

十三末

增壹阿含經卷第六

蘭六

竹膊下時反貧匱下求位反紡方罔反漑下也灌下也菓下也旅下也

下菓在果反白毳下音陂音碑僕力主雷下雷下雷下

增壹阿含經卷第七

蘭七

符秦建元三年三藏曇摩難提譯

五戒品第十四

聞如是一時佛在舍衛國祇樹給孤獨園亦時世尊告諸比丘於此眾中我不見一法修已多修已成地獄行成畜生行成餓鬼行若

友山

生人中壽命極短云何一法所謂殺生也佛告諸比丘若有人意好殺生便墮地獄餓鬼畜生中若生人中壽命極短所以然者以斷他命故是故諸比丘常當慈心莫得殺生如是諸比丘當作是學亦時諸比丘聞佛所說歡喜奉行

聞如是一時佛在舍衛國祇樹給孤獨園亦時世尊告諸比丘於此眾中我不見一法修行已多修行已受人中福受天上福得泥洹證云何一法所謂不殺生也佛告諸比丘若有人不行殺生亦不念殺壽命極長所以然者以彼不嫉亂故是故諸比丘當行不殺如是諸比丘當作是學亦時諸比丘聞佛所說歡喜奉行

聞如是一時佛在舍衛國祇樹給孤獨園亦時世尊告諸比丘於此眾中我不見一法修行已多修行已成地獄行餓鬼畜生行若生人中極為貧匱衣不蓋形食不充口云何一

法所謂劫盜也佛告諸比丘若有人意好劫盜取他財物便墮地獄餓鬼畜生中若生人中極為貧賤所以然者以斷他生業故是故諸比丘常當遠離於不與取如是諸比丘當作是學小時諸比丘聞佛所說歡喜奉行聞如是一時佛在舍衛國祇樹給孤獨園

時世尊告諸比丘於此眾中我不見一法修行已多修行已受人中福受天上福得泥洹證云何一法所謂廣施也佛告諸比丘若有人廣行布施於現世中得色得力眾德具足天上人中食福無量是故諸比丘當行布施勿有慳心如是一時佛在舍衛國祇樹給孤獨園

立聞佛所說歡喜奉行

聞如是一時佛在舍衛國祇樹給孤獨園時世尊告諸比丘於此眾中我不見一法修行已多修行已成地獄行畜生餓鬼行若生人中居家姦淫無有淨行爲人所譏常被誹謗云何一法所謂邪淫也佛告諸比丘若有

蘭七

二

文

人姦淫無度好犯他妻便墮地獄餓鬼畜生中若生人中閨門姦亂是故諸比丘常當正意莫興姦想慎莫他姦如是諸比丘當作是學小時諸比丘聞佛所說歡喜奉行聞如是一時佛在舍衛國祇樹給孤獨園時世尊告諸比丘於此眾中我不見一法修

行已多修行已受人中福受天上福得泥洹證云何一法所謂不他姦也佛告諸比丘若有人真潔不姦身體香潔亦無邪想便受天上人中之福是故諸比丘莫行邪姦以興姦意如是諸比丘當作是學小時諸比丘聞佛所說歡喜奉行

聞如是一時佛在舍衛國祇樹給孤獨園時世尊告諸比丘於此眾中我不見一法修行已多修行已成地獄行餓鬼畜生行若生人中口氣臭惡爲人所憎云何一法所謂妄語也佛告諸比丘若有人妄言綺語闢亂彼此便墮地獄畜生餓鬼中所以者何以其妄

語故是故諸比丘常當至誠莫得妄語如是諸比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘於此眾中我不見一法修行已多修行已受人中福受天上福得泥洹

蘭七

三

證云何一法所謂不妄語也佛告諸比丘其不妄語者口氣香芬名德遠聞是故諸比丘當行不妄語如是諸比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘於此法中我不見一法修行已多修行已受畜生餓鬼地獄罪若生人中狂愚癡惑不識真偽云何一法所謂飲酒也佛告諸比丘若有人心好飲酒所生之處無有智慧常懷愚癡是故諸比丘慎莫飲酒如是諸比丘當作是學尔時諸比丘聞佛所說歡喜奉行

所謂有見無見諸有沙門婆羅門於此二見習已誦已終不從其法如實而不知此則非沙門婆羅門於沙門則犯沙門法於婆羅門則犯婆羅門法此沙門婆羅門終不以身作證而自遊戲諸有沙門婆羅門於此二見誦讀諷念可捨知捨如實而知此則沙門婆羅

聞如是一時佛在舍衛國祇樹給孤獨園尔時世尊告諸比丘於此眾中無有一法勝此法者修行已多修行已受人中福受天上福得泥洹證云何為一法所謂不飲酒也佛告諸比丘若有人不飲酒生便聰明無有愚惑博知經籍意不錯亂如是諸比丘當作是學尔時諸比丘聞佛所說歡喜奉行

第五地獄經 此名不善行 五者及天人令知次第數

增壹阿含經有無品第十五 二法初也

聞如是一時佛在舍衛國祇樹給孤獨園尔時世尊告諸比丘當知有此二見云何為二

所謂有見無見諸有沙門婆羅門於此二見習已誦已終不從其法如實而不知此則非沙門婆羅門於沙門則犯沙門法於婆羅門則犯婆羅門法此沙門婆羅門終不以身作證而自遊戲諸有沙門婆羅門於此二見誦讀諷念可捨知捨如實而知此則沙門婆羅

門知沙門婆羅門行自身取證而自遊戲生死已盡梵行已立所作已辦更不復受有如實知之是故諸比丘於此二見不應習行不應諷誦盡當捨離如是諸比丘當作是學亦時諸比丘聞佛所說歡喜奉行

聞如是一時佛在舍衛國祇樹給孤獨園亦

蘭七

四

時世尊告諸比丘有此二見云何為二見所謂有見無見彼云何為有見所謂欲有見色有見無色有見彼云何為欲有見所謂五欲是也云何為五欲所謂眼見色甚愛敬念未曾捨離世人宗奉若耳聞聲鼻嗅香舌知味身知細滑意了諸法是謂有見彼云何為無

見所謂有常見無常見有斷滅見無斷滅見有邊見無邊見有身見無身見有命見無命見異身見異命見此六十二見名曰無見亦非真見是謂無見是故諸比丘當捨此二見如是諸比丘當作是學亦時諸比丘聞佛所說歡喜奉行

聞如是一時佛在舍衛國祇樹給孤獨園亦時世尊告諸比丘有此二施云何為二所謂法施財物施諸比丘施中之上者不過法施是故諸比丘當當學法施如是諸比丘當作是學亦時諸比丘聞佛所說歡喜奉行

聞如是一時佛在舍衛國祇樹給孤獨園亦

蘭七

五

時世尊告諸比丘有此二業云何為二業有法業有財業業中之上者不過法業是故諸比丘當學法業不學財業如是諸比丘當作是學亦時諸比丘聞佛所說歡喜奉行聞如是一時佛在舍衛國祇樹給孤獨園亦時世尊告諸比丘有此二恩云何為二所謂法恩財恩恩中之上者不過法恩也是故諸比丘當修行法恩如是諸比丘當作是學亦時諸比丘聞佛所說歡喜奉行聞如是一時佛在舍衛國祇樹給孤獨園亦時世尊告諸比丘愚者有此二相像貌云何為二於是愚所不能辨者而辨之垂辨之事

獸而捨之是謂諸比丘愚者有此二相像貌
 復次比丘智者有二相像貌云何為二於是
 智者所不能辦事亦不成辦垂辦之事亦不
 獸捨是故諸比丘愚者二相像貌當捨離之
 當念修行智者二相像貌如是諸比丘當作
 是學亦時諸比丘聞佛所說歡喜奉行

聞如是一時佛在舍衛國祇樹給孤獨園
 時世尊告諸比丘有此二法內自思惟專精
 一意當禮如來云何為二法一為智慧二為
 滅盡是謂比丘內自思惟專精一意當禮如
 來如是諸比丘當作是學亦時諸比丘聞佛
 所說歡喜奉行

聞如是一時佛在舍衛國祇樹給孤獨園
 時世尊告諸比丘有此二法內自思惟專精
 一意當禮法寶亦禮如來神廟云何為二法
 有力有無畏是謂比丘有此二法內自思惟
 專精一意當禮法寶及如來神廟如是諸比
 丘當作是學亦時諸比丘聞佛所說歡喜奉行

聞如是一時佛在舍衛國祇樹給孤獨園
 時世尊告諸比丘有此二法內自思惟專精
 一意禮如來寺云何為二法如來與世間人
 民無與等者如來有大慈大悲矜念十方是
 謂比丘有此二法內自思惟專精一意禮如
 來寺如是諸比丘當作是學亦時諸比丘聞
 佛所說歡喜奉行

聞如是一時佛在舍衛國祇樹給孤獨園
 時世尊告諸比丘有二因二緣起於正見云
 何為二受彼教誨內思止觀是謂比丘有此
 二因二緣起於正見如是諸比丘當作是學
 亦時諸比丘聞佛所說歡喜奉行

蘭七

六

徐

二見及二施 愚者有二相 禮法如來廟

正見最在後 增壹阿含經火滅品第十六

聞如是一時佛在舍衛國祇樹給孤獨園
 時尊者難陀在舍衛城象華園中是時尊者
 難陀在閑靜處便生是念如來出世甚為難

遇億劫乃出實不可見如來久遠長夜時乃
出耳猶如優曇鉢華時乃出現此亦如是如
來出世甚為難遇億劫乃出實不可見此處
亦難遇一切諸行皆悉休息愛盡無餘亦無
染汙滅盡泥洹亦時有一魔行天子知尊者
難陀心中所念便往至孫陀利釋種女所飛

在虛空以此頌偈而嗟歎曰

汝今發歡喜 嚴服作五樂 難陀今捨服
當來相娛樂

亦時孫陀利釋種女聞天語已歡喜踊躍不
能自勝便自莊嚴修飾房舍敷好坐具作倡
妓樂如難陀在家無異亦時王波斯匿集在

普會講堂聞難陀比丘還捨法服習于家業
所以然者有天在空中告其妻曰是時王波
斯匿聞是語已便懷愁憂即駕白象往至彼
園到已便入華象池中遙見尊者難陀便前
至難陀所頭面禮足在一面坐亦時尊者難
陀告波斯匿曰大王何故來至此間顏色變

蘭七

七

友山

異復有何事來至吾所波斯匿報曰尊者當
知向在普會講堂聞尊者捨於法服還作白
衣聞此語已故來至此不審尊者何所告勅
是時難陀含笑徐告王曰不見不聞大王何
故作此語耶大王豈不從如來邊聞我諸結
已除生死已盡梵行已立所作已辦更不復

受胞胎如實知之今成阿羅漢心得解脫波
斯匿曰我不從如來聞難陀比丘生死已盡
得阿羅漢心得解脫所以然者有天來告孫
陀利釋種女曰是時孫陀利夫人聞此語已
便作倡妓樂修治服飾敷諸坐具我聞此語
已便來至尊者所難陀告王曰不知不聞何

故大王而作是語諸有沙門婆羅門無不樂
此休息樂善逝樂沙門樂涅槃樂而不自觀
比煙火之坑復當就者此事不然骨猶如鎖
肉如聚石猶蜜塗刀坐貪小利不慮後患亦
如果繁折枝亦如假借不久當還猶如劍樹
之藪亦如毒樹如毒藥亦如毒葉如毒華

果觀此姪欲亦復如是意染著者此事不然
 從火坑之欲乃至毒果不觀此事欲得度欲
 流有流見流無明流者此事不然已不度欲
 流有流見流無明流者而欲得入無餘涅槃
 界而般涅槃者此事不然大王當知諸有沙
 門婆羅門觀察此休息樂善逝樂沙門樂涅

槃樂此事必然彼以作是觀察解了姪坑之
 火猶如骨鎖肉聚蜜塗利刀果繁折枝假借
 不火亦如劍樹毒樹如毒害藥悉觀了知此
 則有處已解了知姪火所與便能得度欲流
 有流見流無明流此事必然彼已度欲流有
 流見流無明流此事必然云何大王以何見

何知而作是說今我大王已成阿羅漢生死
 已盡梵行已立所作已辦更不復受母胞胎
 心得解脫尔時王波斯匿心懷歡喜善心生
 焉白尊者難陀曰我今無有狐疑如毛髮許
 方知尊者成阿羅漢今請辭還國事衆多難
 陀對曰宜知是時尔時王波斯匿即從座起

蘭七

八

八

頭面禮足便退而去波斯匿王去未幾時時
 彼魔天來至尊者難陀所住虛空中復以此
 偈向難陀說

夫人面如月 金銀瓔珞身 憶彼姿顏容
 五樂恒自娛 彈琴鼓弦歌 音響甚柔輒
 能除諸愁憂 樂此林間為

是時尊者難陀便作是念此是魔行天人覺
 知此已復以偈報曰

我昔有此念 姪泆無厭足 為欲所纏裹
 不覺老病死 今我度欲淵 無汗無所染
 榮位悉是苦 獨樂真如法 我今無諸結
 姪怒癡悉盡 更不習此法 愚者當覺知

尔時彼魔行天人聞此語便懷愁憂即於彼
 沒不現尔時衆多比丘以此因緣具白世尊
 尔時世尊告諸比丘端正比丘者無有勝難
 陀比丘諸根澹泊亦是難陀比丘無有欲心
 亦是難陀比丘無有瞋恚亦是難陀比丘無
 有愚癡亦是難陀比丘成阿羅漢亦是難陀

比丘所以然者難陀比丘端正諸根寂靜
時世尊告諸比丘我聲聞中第一端正者所
謂難陀比丘是諸根寂靜亦是難陀比丘
時諸比丘聞佛所說歡喜奉行

聞如是一時佛在舍衛國祇樹給孤獨園
時世尊告諸比丘有此二涅槃界云何為二

蘭七

九

有餘涅槃界無餘涅槃界彼云何名為有餘
涅槃界於是比丘滅五下分結即彼般涅槃
不還來此世是謂有餘涅槃界彼云何為無
餘涅槃界於是比丘盡有漏成無漏意解脫
智慧解脫自身作證而自遊戲生死已盡梵
行已立所作已辦更不復受有如實知之是
謂無餘涅槃界此二涅槃界是故諸比丘當
求方便至無餘涅槃界如是比丘當作是學
亦時諸比丘聞佛所說歡喜奉行
聞如是一時佛在舍衛國祇樹給孤獨園
時世尊告諸比丘我今當說鳥喻亦當說猪
喻善思念之吾當演說對曰如是世尊是時

諸比丘從佛受教世尊告曰彼云何為人喻
如鳥猶如有人在寂靜處恒習姪泐欲作諸
惡行後便羞耻便自悔過向人演說陳所作
事所以然者或為諸梵行人所見譏彈此人
習欲作諸惡行彼作諸惡行已向人悔過自
知羞耻猶如彼鳥恒患苦飢便食不淨尋即

拭嘴恐有餘鳥見言此鳥食不淨此亦如是
若有一人在閑靜處習於姪欲不善之行後
便羞耻而自悔過向人演說陳所作事所以
然者或為諸梵行人所見記識此人習欲作
諸惡行是謂名為人猶如鳥彼云何為人喻
如猪若有一人在閑靜處長習姪欲作諸惡
行亦不羞耻復不悔過向人自譽貢高自用
我能得五欲自娛此諸人等不能得五欲彼
作惡已不知羞耻此人喻如猪恒食不淨卧
於不淨便自跳踉向於餘猪此亦如是若有
一人習於姪欲作諸惡行亦不羞耻復不悔
過向人自譽貢高自用我能得五欲自娛此

諸人不能得五欲自娛是謂人猶如猪是故諸比丘當捨遠離如是諸比丘當作是學亦時諸比丘聞佛所說歡喜奉行

聞如是一時佛在舍衛國祇樹給孤獨園亦時世尊告諸比丘我今當說人有似驢者有似牛者諦聽諦聽善思念之諸比丘對曰如

蘭七

十

是世尊是時諸比丘從佛受教世尊告曰彼云何名人像驢者若有一人剃除鬚髮著三法衣以信堅固出家學道亦時彼人諸根不定若眼見色隨起色想流馳万端亦時眼根則非清淨生諸亂想不能制持眾惡普至亦復不能護於眼根耳聞聲鼻嗅香舌知味身

知細滑意知法隨起識病流馳万端亦時意根則非清淨生諸亂想不能制持眾惡普至亦復不能護於意根無有威儀禮節之宜行步進止屈申低仰執持衣鉢都違禁戒便為梵行人所見譏彈咄此愚人像如沙門便取彈舉設是沙門者宜不應亦彼作是說我亦

是比丘我亦是比丘猶如驢入羣牛之中而自稱曰我亦是牛我亦是牛然觀其兩耳後不似牛角亦不似尾亦不似音聲各異亦時羣牛或以角舐者或以脚蹋者或以口嚙者今此比丘亦復如是諸根不定若眼見色隨起色想流馳万端亦時眼根則非清淨生諸

亂想不能制持眾惡普至亦復不能護於眼根耳聞聲鼻嗅香舌知味身了細滑意知法隨起識病流馳万端亦時意根則非清淨生諸亂想不能制持眾惡普至亦復不能護於意根無有威儀禮節之宜行步進止屈申低仰執持禁戒便為梵行人所見譏彈咄此愚

蘭七

十一

山

人像如沙門便見彈舉設是沙門者宜不應亦彼作是說我是沙門猶如驢入於牛羣是謂人像驢者也彼人云何像牛者耶若有一人剃除鬚髮著三法衣以信牢固出家學道亦時彼人諸根寂定飲食知節竟日經行未曾捨離意遊三十七道品之法若眼見色不

起色想亦無流馳之念。尔時眼根則應清淨。生諸善想亦能制持無復諸惡。常擁護於眼根。耳聲鼻香舌味身細滑意法不起。識病尔時意根則得具足。是謂此人像牛者。也是故諸比丘當學如牛。莫像如驢也。如是諸比丘當作是學。尔時諸比丘聞佛所說歡喜奉行。聞如是一時佛在舍衛國祇樹給孤獨園。尔

時世尊告諸比丘。我今當說善不善行。諦聽善思念之。諸比丘對曰。如是世尊。尔時諸比丘從佛受教。世尊告曰。彼云何名爲不善。云何名爲善。所謂殺生爲不善。不殺爲善。不與取爲不善。與取爲善。婬泆爲不善。不婬爲善。妄語爲不善。不妄語爲善。綺語爲不善。不綺語爲善。兩舌爲不善。不兩舌爲善。鬪亂彼此爲不善。不鬪亂彼此爲善。貪他爲不善。不貪他爲善。恚爲不善。不恚爲善。邪見爲不善。正見爲善。如是諸比丘行此惡已。墮畜生餓鬼地獄中。設行善者。便生人中。天上及諸善趣。阿須倫中。是故諸比丘當遠離惡行。修習善行。如是諸比丘當作是學。尔時諸比丘聞佛所說歡喜奉行。聞如是一時佛在舍衛國祇樹給孤獨園。尔時世尊告諸比丘。我當與汝等說微妙法。初善中善至竟亦善。有義有味。得修具足。梵行之法。所謂二法也。諦聽諦聽善思念之。吾當

爾七

十二

為沙具足說之諸比丘對曰如是世尊是時諸比丘從佛受教世尊告曰彼云何為二法所謂邪見正見邪治正治邪語正語邪業正業邪命正命邪方便正方便邪念正念邪三昧正三昧是謂諸比丘名曰二法我今已與汝說此二法如來所應為者今已周訖善念諷誦勿有懈倦今不行者後悔無及今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘我今當說燭明之法亦當說由燭趣道之業諦聽諦聽善思念之諸比丘對曰如是世尊今時世尊告諸比丘彼云何名燭明者所謂貪婬瞋恚愚癡盡彼云何名為由燭趣道之業所謂正見正治正語正業正命正方便正念正三昧是謂由燭趣道之業我為比丘已說燭明亦說由燭趣道之業如來所應為者今已周訖善念諷誦勿有懈怠今不行者後悔無及今時諸比丘聞佛

蘭七

十二

山

所說歡喜奉行

聞如是一時佛在舍衛國祇樹給孤獨園今時世尊告諸比丘有此二力云何為二力所謂忍力思惟力設吾無此二力者終不成無上正真等正覺又無此二力者終不於優留毗處六年苦行亦復不能降伏魔怨成無上正真之道坐於道場以我有此忍力思惟力故便能降伏魔眾成無上正真之道坐於道場是故諸比丘當求方便修此二力忍力思惟力便成須陀洹道斯陀含道阿那含道阿羅漢道於無餘涅槃界而般涅槃如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時尊者阿那律在拘尸那竭國本所生處今時釋梵四天王及五百天人并二十八鬼神王便往至尊者阿那律所到已頭面禮足在一面住復以此偈歎阿那律曰

歸命人中上 眾人所敬奉 我等今不知

為依何等禪

尔時有梵志名曰闍拔吒是梵摩踰弟子復至尊者阿那律所頭面禮足在一面坐尔時彼梵志問阿那律曰我昔在王宮生未曾聞此自然之香為有何人來至此間為是天龍鬼神人非人乎尔時阿那律報梵志曰向者

釋梵四天王及五百天人并二十八鬼神王來至我所頭面禮足在一面住復以此偈而歎我曰

自歸人中上 衆人所敬奉 我等今不知為依何等禪

梵志問曰以何等故我今不見其形釋梵四

天王為何所在阿那律報曰以汝無有天眼故是故不見釋梵四王及五百天人并二十八鬼神王梵志問曰設我能得天眼者見此釋梵四天王及二十八鬼神王耶阿那律報曰設當得天眼者便能見釋梵四天王及五百天人并二十八鬼神王然復梵志

蘭七

十四

緣

此天眼者何足為奇有梵天王名曰千眼彼見此千世界如有眼之士自於掌中觀其寶冠此梵天亦如是見此千世界無有罣礙然此梵天不自見身所著服飾梵志問曰何以故千眼梵天不自見形所著服飾阿那律曰以其彼天無有無上智慧眼故故不見已身

所著服飾梵志問曰設我得無上智慧眼者見此身所著服飾不耶阿那律曰若能得無上智慧眼者則能見已形所著服飾梵志問曰願尊與我說極妙之法使得無上智慧之眼阿那律曰汝有戒耶梵志問曰云何為戒阿那律曰不作衆惡不犯非法梵志報曰如

是戒者我堪奉持如此之戒阿那律曰汝今梵志當持禁戒無失毫釐亦當除去憍慢之結莫計吾我染著之想時梵志復問阿那律曰何者是吾何者是我何者是憍慢結阿那律曰吾者是神識也我者是形體之具也於中起識生吾我者是為憍慢結也是故梵志

當求方便除此諸結如是梵志當作是學梵志即從座起禮阿那律足遶三匝而去未至所在於中道思惟此義諸塵垢盡得法眼淨

蘭七

十五

山

歎阿那律曰

梵志未至家

中道得道跡

垢盡法眼淨

無疑無猶豫

尔時尊者阿那律復以此偈告彼天曰

我先觀彼心

中間應道迹

彼人迦葉佛

曾聞此法教

尔時尊者阿那律即其時離彼處在人間遊漸漸至舍衛國到世尊所頭面禮足在一面住尔時世尊具以法語告阿那律阿那律從佛受教已便從座起頭面禮足便退而去尔時世尊告諸比丘我聲聞中第一弟子得天眼者所謂阿那律比丘是尔時諸比丘聞佛

所說歡喜奉行

聞如是一時佛在舍衛國祇樹給孤獨園尔時尊者羅云奉修禁戒無所觸犯小罪尚避况復大者然不得有漏心解脫尔時衆多比丘便往至世尊所頭面禮足在一面坐尔時衆多比丘白世尊曰羅云比丘奉修禁戒無所觸犯然故有漏心不解脫尔時世尊便說此偈

具足禁戒法

諸根亦成就

漸漸當逮得

一切結使盡

是故諸比丘常當念修治正法無有漏失如是諸比丘當作是學尔時諸比丘聞佛所說

歡喜奉行

難陀涅槃烏

驢不善有二

燭及忍思惟

梵志及羅云

十六末

徐

增壹阿含經卷第七

婁亂

上音速

婁泆

下夷一及

閨門

上音圭

經籍

下才反

蘭七

念上居陵反澹泊反上徒敢反下尺白拭背音上
識下子也跳上音條下音郎彈舉上徒丹反
委反跳上音條下音郎彈舉上徒丹反
角下音底觸也嚙交舌只反毫釐下力反

增壹阿含經卷第八

蘭八

符秦建元二年三藏曇摩難提譯

安般品第十七

聞如是一時佛在舍衛國祇樹給孤獨園介
時世尊到時著衣持鉢將羅云入舍衛城分
衛介時世尊右旋顧謂羅云曰汝今當觀色

為無常羅云對曰如是世尊色為無常世尊
告曰羅云痛想行識皆悉無常羅云對曰如
是世尊痛想行識皆為無常是時尊者羅云
復作是念此有何因緣今方向城分衛又在
道路何故世尊而面告誨我今宜當還歸所
在不應入城乞食介時尊者羅云即中道還

到祇洹精舍捨除衣鉢詣一樹下正身正意
結跏趺坐專精一心念色無常念痛想行識
無常介時世尊於舍衛城乞食已食後在祇
洹精舍而自經行漸漸至羅云所到已告羅
云曰汝當修行安般之法修行此法所有愁
憂之想皆當除盡汝今復當修行惡露不淨

想所有貪欲盡當除盡汝今羅云當修行慈
心已行慈心所有瞋恚皆當除盡汝今羅云
當行悲心已行悲心所有害心悉當除盡汝
今羅云當行喜心已行喜心所有嫉心皆當
除盡汝今羅云當行護心已行護心所有憍
慢悉當除盡介時世尊向羅云便說此偈

數莫起著想 恒當自順法 如此智之士
名稱則流布 與人執炬明 壞於大闇冥
天龍所戴奉 敬奉師長尊
是時羅云比丘復以此偈報世尊曰
我不起著想 恒復順於法 如此智之士
則能奉師長